

الحق نفسك | " سورة المدثر " | الحلقة (11) | #بداية_الهداية

| د. حازم شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. ان الحمد لله نحمده ونستعين به ونستهديه ونستغفره ونعوذ بالله من شرور انفسنا ومن سيئات اعمالنا. انه من يهده الله فلا مضل له. ومن يضل فلن - 00:00:00

تجد له هاديا مرشدا. اللهم صل على الحبيب محمد. اللهم صل على طبيب القلوب محمد. اللهم صل عليه في الاولين والآخرين والملا الأعلى الى يوم الدين. امين يا رب العالمين. ثم اما بعد. فانا عايزك تتخيل معي لو انت طالب في كلية من الكليات. جاء لك جواب الصبح لقيت - 00:00:20

الجواب مكتوب فيه انتبه احترس اعمل حسابك. خد بالك الحق نفسك انت عندك امتحان بعد فترة قريبة جدا. الامتحان قرب الحق نفسك. شوية بتفتح الجرنال لقيت اعلان من نفس الكلية. خد بالك الامتحان قرب جدا الحق نفسك. شوية لقيت عربيات ماشية في الشارع بتزيع بميكروفونات - 00:00:40

خد بالك الحق نفسك. الامتحان قرب للي في الكلية الفلانية. شوية لقيت جواب تاني جاي شوية لقيت رسالة على المحمول. شوية لقيت في التلفزيون اعلانات ايه ده؟ ده معناها الامتحان ده خطير قد ايه؟ معناها ان الموضوع ده خطير جدا قد ايه. هي دي نفس فكرة علامات الساعة يا جماعة. هي دي نفس فكرة اشراط الساعة. معزم علامات - 00:01:00

الساعة اتحقق لغاية دلوقتي. ما عدش على علامات الساعة كلها عشان تتم غير حاجات بسيطة جدا. كل علامة من علامات الساعة رسالة من ربنا لنا كلنا. لكل واحد فينا الحق نفسك. الحق نفسك قبل اخطر امتحان في حياتك. الحق نفسك. كل واحد فينا لازم يلحق نفسه. هو دا الشعار بتاعنا الليلة. هو دا الرسالة اللي انا عايز اقولها - 00:01:20

كل واحد الليلة بما فيهم انا وكل واحد قاعد قدامي الحق نفسك. انا بكلم الوقت اللي التزم. ولكن ما هوش مجتهد في الدين. ما بيعملش حاجة في الدين. ما بيعملش حاجة في - 00:01:40

التزام ما خدش خطوات جدية بالاقتراب من ربنا سبحانه وتعالى بعد ما التزم. الحق نفسك. تعرف قصة احد السلف اللي كان يبمحافظ على صلاة الجماعة؟ طبعا كل صلاة وفي مرة من المرات جا له ضيوف اتأخر عن صلاة العشاء راح بعد ما الضيوف خرجوا وجري على مساجد بغداد كلها. مسجد مسجد يدور على مسجد لسه - 00:01:50

ما صلاش العشاء لقي كل المساجد صلت العشاء. رجع بيته وهو مقهور. اول مرة صلاة الجماعة تروح منه. يعمل ايه؟ قال طب صلاة الجماعة بخمسة وعشرين درجة. من صلاة الفرض - 00:02:10

انا هصلي خمسة وعشرين عشاء. صلي العشاء خمسة وعشرين مرة ونام. لقي نفسه راكب جواد فرس وفرسان سابقينه بمسافة كبيرة قدام. وقعد يحاول يلحقه ومش عارف يحصله. يحاول يجري مش عارف يحصلهم. واحد منهم التفت اليه وقال له لقد فاتتك صلاة العشاء في جماعة. فلن تدركنا - 00:02:20

خلاص فيه ناس ما بتقعش. فيه ناس يا جماعة بازن الملك سبحانه وتعالى. راكبين فرسان راكبين افراس الطاعة وحياد الطاعة ومنطلقين الى الله انا بكلم اللي قاعد يتسابق الحق نفسك. الحق نفسك هتتسابق اكثر من كده ايه! انا باكلم اللي التزم وما باشتغلش في الدعوة. ما بيجتهدش في الدعوة. اللي التزمت وما بتجتهدش في الدعوة - 00:02:40

نفسك يا اختي والله العظيم الواقع اللي بيحصل للامة ده ما يتسكتش عليه ابدأ. احدى الاخوات احدى الاخوات الملتزمات. حضر
الدرس في الجامع لاحدى الداعيات وكانت بتتكلم فيه عن الدعوة الى الله. وان اتقوا فتنة لا تصيبين الذين ظلموا منكم خاصة. ان لو
عقوبة المعاصي اللي بتحصل دلوقتي في بلاد المسلمين - 00:03:00

نزلت مش هتنزل على العصاة بس هتنزل على اللي عصا وعلى اللي سكت. الاخت من يعني مركز تبع المنصورة راحت تركب العربية
بتاعة المواصلة بتاعتها فما لقتش غير مكان واحد بس اللي فاضي قدام جنب السواق جنب الشباك. واللي قاعد ما بينها وبين السواق
راجل كبير وقور ملتحي. شكله عليه الوقار والصلاح كده باذن - 00:03:20

الاخت ركبت في المكان بتاعها والعربية انطلقت للمركز. لقت الراجل حاطط المصحف المصحف مقطوع ورقه مقطوع. شكله غريب كاتب
حسابات بالجاف حسابات الفلوس بتاعته على ورق المصحف. كل ما يفتكر حاجة ولا عايز يكتب حاجة يكتبها فهو هوامش المصحف.
حاطط صورته وحاطط ورقه وحاطط اوراقه جوة المصحف - 00:03:40

شكل عجيب. الراجل قال للسواق ايه ده يا ابني! ده كلام ربنا يا ابني. السواق قال له يا عم الحاج هنعمل ايه؟ قال له يا ابني ده كلام
ربنا. قال له بقول لك ايه دماغك. دماغك يا عم الحاج. سبني الله - 00:04:00

خليك احنا ماشيين على طريق ما لكش دعوة بي الراجل ما لوش دعوة به ازاي؟ قال له يا ابني كتاب ربنا. السواق عايز يعاند اكثر
قام مطلع كيس لب وقام كابب اللب على المصحف وقعد يقزقز. وعاييز يغيظ الراجل اللي - 00:04:10

جنبه قال له قزقز يا عم الحاج. كل يا عم الحاج وما حطش في دماغك. فالاخت افتكرت الدرس اللي هي لسه حضراه. قالت انا لازم
انكر لازم اتكلم. فبدأت تتكلم وتدافع وتؤازر - 00:04:23

الراجل الكبير اللي قاعد جنبها. الراجل السواق عشان يعاند في الاثنين، قام مطلع باقي كيس اللب وحاطه وبدأ يقزقز عشان يعاند في
الاثنين. هيعملوا ايه؟ الناس ورا شايقة - 00:04:33

كتاب ربنا بيهان مش على ايد الامريكان في جوانتانامو ولا على ايد الهولنديين في حرق المصحف لا. على ايد واحد مسلم المفروض
انه مسلم وما حدش اتكلم كلها عايزة تروح بيتها. الاخت بتقول قبل المدينة المركز اللي مسافرين له بستة كيلو. واحد ورا اتصل

بمراته قال لها انا هاموت من الجوع. سخني الاكل خلاص انا - 00:04:43

داخل على البلد اهو. انا لسة لي ستة كيلو. بتقول فجأة كاوتشة في العربية فرقعت. العربية قعدت تيجي يمين وشمال في الطريق
بدون اي قدرة على التوازن بتاع بتقول وفجأة العربية دخلت في عامود كانت خبطة مروعة كل اللي في العربية اغمى عليهم. بما

فيهم الاخت ده هي بتقول بعد شوية حسنت ان الدنيا ضلمت - 00:05:03

فاقت كانت اول واحدة فاقت في العربية بتبص لقت اللي ورا كزا واحد فيهم مات اللي كان بيقول لمراته سخني الاكل مات الله يرحم
الناس جميعا العربية اتفتت اتدشدشت من كل ناحية. انحطمت من كل ناحية. وهي والراجل اللي كان جنبها يعني ربنا سبحانه وتعالى

لطف بهم كانت اصابتهم بسيطة - 00:05:23

بفضل الله سبحانه وتعالى. بتقول المرور اي عربية بتعمل حادثة بيشيلها المرور بعد يوم على طول. العربية دي فضلت اسبوع كامل
على الطريق ما حدش بيشيلها. السواق ايه؟ هو لعله ما ماتش ولكن بيته اتخرب فيها. يا اخوانا القصة دي بتقول لنا ايه؟ دفاع ربنا عن

دينه ماشي. حرمة دين ربنا ماشي. انما بتقول لنا حاجة تانية - 00:05:43

ان اللي هيسكت هيتاخد مع اللي عصى. الناس وراء سكتت. كم واحد فيهم مات؟ الحادثة الراجل اللي عصى ربنا سبحانه وتعالى.

حصل له ايه؟ اللي انكر ربنا لطف به ازاي - 00:06:03

ما ينفعش يا جماعة عايزين نلحق نفسنا يا جماعة. اللي اللي بيقول ان هو التزم او بتقول انها التزمت ومش شغال في الدعوة لازم

يلحق نفسه. لازم يلحق نفسه والله - 00:06:13

في رسالة الليلة. رسالة خطيرة لنا كلنا. انا باقول للي ما التزمش ومتذبذب وشوية ييجي وشوية يرجع. الحق نفسك يا ابني. الحق
نفسك يا بنتي. الحقوا نفسكم شاب قابل اخ ادى له شريط من سنة شريط دعوي. فقال له انا لسة سامعه امبارح وانا قررت ان حاجات

كثير تتغير في حياتي. سبحان الله! طب ما ده لو كان لحق - 00:06:23

نفسه من سنة وسمعه كان وفر على نفسه قد ايه ؟ كان خفف على كاهله من زنوب سنة كاملة قد ايه ؟ وفيه ناس تانية ما لحقتش يا جماعة ورمت الشروط اللي خدته. الحق نفسك - 00:06:43

انا بكلم كل واحد مش عايز يبجي لربنا مش عايز يسمع فما لهم عن التذكرة معرضين. مش عايز يسمع عن ربنا مش عايز يبقى لربنا وجود في حياته خالص كأنه - 00:06:53

عمر كانهم حمر والعياذ بالله. النهاردة رايح خطبة جمعة في بلد من البلاد البعيدة شوية. فوانا يعني في العربية اللي بتوصلني لقيت واحد آآ مش شغل اغاني بصوت عالي جدا في في عربية من العراق فقلت له يا راجل يا طيب واقعد اضحك معه يعني واجاري معه بالسياسة يا راجل يا طيب انت ما عندكش شريط قرآن عرف - 00:07:03

ان انا بقول قرآن قام حاطط راسه تحت فضل حاطط راسه تحت مش راضي يرفعها. يا راجل يا طيب مش راضي يرفعها. يا حبيب قلبي مش راضي يرفعها. كانهم حمر عن التذكرة معرضين - 00:07:23

مش عايز يسمع زي شاب كده راكب عربية يبجي احد الاخوة يدي له سي دي عشان يشغله في العربية يقوم دايس بنزين وطاق الرابع على طول. مش عايز يسمع انهم حمر. اللي مش عايز يسمع ده مصيره ايه؟ شفتهم فرعون في سورة غافر؟ فرعون! ايه يا عم انت بتقول ايه! فرعون ايه يا عم! انت بتتكلم عن واحد مش عايز يسمع. اومال اللي مش عايز يسمع - 00:07:33

مع مين ؟ اومال اللي معرض ده مع مين ؟ مع ابو بكر وعمر فرعون في سورة غفر يا جماعة. لما ربنا سبحانه وتعالى بيبين العذاب بتاعه. فوقاه الله سيئات ما - 00:07:53

مؤمن ال فرعون وحاق بال فرعون سوء العذاب. العذاب احاط بهم لما نزلوا قبورهم. النار يعرضون عليها غدوا وعشيا مرتين كل يوم بيتعرض فرعون في قبره على جهنم والعياذ بالله ويصرخ ويستغيث والايات جايبة لك منزر فرعون وهو بيستغيث انت حاسس بها. انت - 00:08:03

انك شافه في قبره وفي تربته وهو بيستغيث. واذ يتحاجون في النار. وقال الذين في النار لخزنة جهنم ادعوا ربكم يخفف مش يزيل عنا يوما مش على طول يوما من العذاب. منزر فرعون وهو بيستغيث وبيصرخ والحميم بيتصب عليه. واقطاب بطنه مندقة زي الحمير - 00:08:23

بالله امعاءه طالعة برة ومقامع الحديد بيتضرب بها. منزر فرعون وهو بيستغيث بغزلة جهنم بعدها بعد منزر العذاب انا لننصر رسلنا والذين امنوا. ربنا بيقول انا بانفذ وعدي. انا ما باخلفش وعدي ابدأ. انا عايز اقول لكم يا جماعة كلكم الحقوا نفسكم. انا عايز اقول - 00:08:43

كلنا نلحق نفسنا يا جماعة. اللي متأخر في الدين يلحق نفسه. كفاية اتسبعت اكثر من كده. كفاية اتأخرت عن ربنا اكثر من كده. كفاية مطلتي اكثر من كده. انا بقول - 00:09:03

كل اخت مترددة في النقاب والحجاب. باقول لكل واحد متردد في اتباع سنة النبي. باقول لكل شاب متردد في الالتزام. باقول لكل واحد متردد انه يطبق السنة في بيته. باقول لكل واحد متردد انه ياخذ خطوة تجاه ربنا. الحق نفسك. باقول لكل معرض لكل نافر. لكل واحد هربان من ربنا. لكل واحدة باحسة - 00:09:13

عن الحب وهاربة من الله. لكل واحد مش عايز ربنا يبقى له وجود في حياته. الحق نفسك. الحقوا نفسكوا يا جماعة. هنتكلم الليلة عن سورة المدثر المدثر ده الشعار بتاعنا فيها. ده الشعار صورة المدرس بتكلم اتنين. بتكلم اللي اول يوم يدخل في الالتزام لسة داخل. اللي لسه داخل في الدين. او اللي بقى له مدة - 00:09:33

ملتزم ولكن نايم ما بيشغلش في الدعوة. بتقول له قم. قم ربك بيعصى. قم مولاك بيعصى. قم قم فوق. قم اعمل حاجة لديك وبتكلم اللي معرض اللي مش عايز يسمع. اللي ماشي في سكة اخرها نار بتقول له فق. فق انت عارف انت هتودي نفسك فين ؟ انت عارف انت بتعمل في نفسك ايه ؟ فوق - 00:09:53

سورة المدثر نزلت وعمر الدعوة الاسلامية لسة ما يجيش اربعين يوم. لسة في الاول خالص. لسة ولكن صعقة كهربائية. زي الصعق الكهربائي اللي بيتعمل للقلوب بتقف في غرفة الانعاش. ليه ؟ الواقع كان كله ضال. كله ضايع كله ميت. القلوب ميتة جوة الصدور. كان لازم اجهزة كهربائية تيجي على القلوب - [00:10:13](#)

تصعقها عشان القلوب يمكن تفوق تاني. سورة المدسر والمزمل اللي اتكلمنا عليها المرة اللي فاتت. صعقات كهربائية في قلب الضلال والباطل اللي كان موجود في الارض وقتها. ليه عشان الباطل يمكن القلوب تفوق. يمكن القلوب تستيقظ. فهنشوف الوقت النهاردة الليلة يا جماعة معنا صورة من سور الصعق الكهربائي في - [00:10:33](#)

الدعوة الاسلامية اللي عايزة القلوب تفوق. سورة بتقول لنا كلنا الحق نفسك من اولها. شف الطلقات يا ايها المدثر قم فانزرقم. قم انت قم ربك بيعصى. قم حرمان ربك بتنتهك. قم الحق الناس. قم انقز الناس فانزرق. انزرق الناس. عرفهم هيوذوا نفسهم فين - [00:10:55](#) ما يعملوا في نفسهم ايه ؟ عرفهم المعاصي اللي بيعملوها دي اخرتها ايه ؟ عرفهم السكة اللي هم ماشيين فيها ديت اخرتها ايه ؟ انزرق. عرفهم المعاصي اللي هم استهانوا بها - [00:11:15](#)

اللي تعمل فرحها في فندق وتجب فرقة وتجب ده كبيرة من الكبائر. ده كبيرة يا جماعة. اللي بيحصل دلوقتي ده مش معاصي دي كبائر. اللي ربنا بيجاهر به ليل نهار في بلاد المسلمين ما عادتش معاصي. عدد كبائر يا اخوانا. قم فانزل حزر الناس. فوقهم. قومهم. وربك فكبر. ربنا كبير - [00:11:25](#)

اوعى تخاف. اوعى تقلق. اوعى تخاف من حد هيقف في وشك في الدعوة. ربك كبير. ما تقلقش. اوعى تقلق من اي حاجة او تخاف على دنيتك. ربك مش هيسيبك طول ما انت ماشي في الطريق - [00:11:45](#)

ده قوم الناس قعدت مكبرة الدنيا ومكبرة المراكز ومكبرة الشهادات. قم عرف الناس ان الله اكبر. ان الله اكبر من كل حاجة. انت اصطدم بحاجات الناس مكبراها جدا. ولما تكلمهم عن ربنا الكبير. لغاية ما يعرفوا ان ربنا اكبر من كل ده. هو الشارع ساعة الفجر بيبقى شكله - [00:11:55](#)

فاضي. طب الساعة سبعة الصبح بيبقى شكله ايه ؟ يعني ممكن في بعض شوارع المدارس لو رميت ابرة ما تنزلش على الارض. ليه ؟ اللي صحوا الفجر دول اللي معزمين الاخرة مكبرينها. واللي صحوا الساعة سبعة دول اللي معظمين الدنيا ومكبرينها. وربك فكبر. قم ربنا كبير. انت اول ما بتقف في الصلاة بتقول الله - [00:12:15](#)

الله اكبر انت عارف انت واقف بين ايدين مين ؟ اول ما ناديتك قلت لك ربك فكبر انت عارف انت هتدعو لمين ؟ ربنا كبير. انت سندك ربنا الكبير سبحانه وتعالى - [00:12:35](#)

وثيابك فطهر. خليك طاهر. طاهر طاهر طاهر في لبسك. طاهر في قلبك. طاهر في نيتك. طاهر في اخلاقك. طاهر في مالك اللي هتجب بهدومك في تربيتك لزوجاتك ونساءك. طاهر خليك انسان طاهر. وخد بالك. انت هتنزل تنقز ناس من مستنقعات الوحل. اوعى تتوسخ. اوعى تتوسخ - [00:12:45](#)

اوعى تروح تدعو الناس للدنيا الدنيا تخطفك. اوعى تروح تدعو الناس انها تتحرر من الشهوات. الشهوات تشدك. ثيابك فطهر خد بالك دائما. من ثيابك الظاهرة. ومن ثيابك الباطنة من قلبك ونيتك. خد بالك من المعاصي. اوعى تعصي. والرزق فاهجر. اوعى اي حاجة توديك النار. اوعى تقول للناس ما ما تعصيش وانت تعصي. اهجر - [00:13:06](#)

مش اترك اهجر سب اكبره اوعى اوعى تروح تحارب المعصية والمعصية في قلبك. اوعى تسبب الدنيا سب المعاصي دي كلها ولا تمنن تستكثر انت هتقدم كتير اوي. الطريق ده فيه تضحيات كتير اوي. اوعى تقول كتير عليك يا رب. اوعى كتير على مين ؟ كتير على الله. كتير على اللي خلقك. كتير على اللي الوقت - [00:13:26](#)

السبع سموات كلها فوقك كلها في اللحزة دي. مليارات المليارات من الملائكة قاعدة سجدة وركعة. كتير على اللي الوقت جبريل من فوق سبع سموات زي المجلس البالي عند سدرية كتير على اللي الوقتي عند البيت المعمور سبعين الف ملك بيطوفوا. كتير عند اللي الوقت العرش بتاعه. ما قد ايه من الملائكة بتطوف حوايه وتسبح كتير على مين - [00:13:46](#)

كثير على مين يا جماعة لا تمنن تستكثر مهما قدمت ومهما ضحيت الدين عايز تضحيات عشان يقوم. اوعى تستكثر اللي انت هتقدمه في الطريق ده. ولربك فاصبر مهمة كبيرة. المعوقات كثير هتقابل كثير في طريقك. اصبر. استحمل اوعى تقع. اوعى تتعب. اوعى تضعف. اوعى تقع. اوعى. اصبر للنهاية - 00:14:06

اصبر لغاية ما ربنا يحكم بينك وبين اهل الباطل. يا جماعة المهمة كبيرة اوي. المهمة كبيرة سيريلانكا فيها اتنين ونص مليون مسلم. كانت السي ان ان ازاعت من فترة ان عملوا مذبحه لالف وتلتमित مسلم بعد ايام من حرق تلتमित مسلم تانيين. روسيا - 00:14:26 ايام ما الاتحاد السوفيتي اتعمل كانت الجمهوريات الاسلامية فيها اربعين الف مسجد. بعد ما الاتحاد السوفيتي اقيم وانهار لما رجعت الجمهوريات الاسلامية كان كل اللي فيها مية مسجد بس. دينك بيتحارب. دينك بيتحارب. احد اخواننا كان في امريكا وراجع بيقول لي اتعرف على ميكانيكي هناك امريكي بيتعلم الروسية هو ومراته. بيقول له ليه؟ بيقول له - 00:14:44

انا هروح هناك في طاجيكستان عند المسلمين احاول انصرهم. باتعلم لغتهم عشان اروح هناك افتح ورشة. واتفرغ لتنصير المسلمين باقي حياتي. شايفين فكر الغرب ريحتنا يا جماعة شايفين كان ايام حرب البوسنة اللي كثير مننا نساها. كان الصرب حاصروا قرية من قري المسلمين. لما جم يحاصروها فالمسلمين جم يهربوا - 00:15:04

جري الصرب وراهم يقتلوا فيهم وهم قاعدين يقولوا لهم اين ربكم يا مسلمين؟ ربكم فين يا مسلمين؟ سبحان الملك. ربنا موجود. ربنا موجود وهتشوف شوفوا بس اما يبقى فيه رجالة يشيلوا الدين ده ويستاهلوا ان ربنا سبحانه وتعالى ينصرهم. ولربك فاصبر. المهمة كبيرة. النبي عليه الصلاة والسلام لما قام يدافع عن دين ربنا - 00:15:24

فضل ينفق في الدعوة لغاية ما كان يمر عليه الهلال تلو الهلال تلو الهلال عليه الصلاة والسلام ولا يوقد في بيته نار. شهرين ما لقمة سخنة عليه الصلاة والسلام. من كتر ما كل ماله طالع في الدعوة. ابو طلحة في غزوة احد. من الاحاديث العجيبة. لما قعد الرسول ينفر - 00:15:44

للسهام ويدافع عن النبي عليه الصلاة والسلام ويطرس النبي بجسمه ويقول نحري دون نحرك يا رسول الله. في نفس الغزوة بيقول ابو طلحة لقد سقط من يدي سيفين او ثلاثة في نفس الغزوة ام سليم امرأة ابي طلحة كانت قاعدة وسط المعركة تسقي الجنود وتداوي الجنود وتشيل الجرحى - 00:16:04

قلت ايه ده! الراحل ده رضي الله عنه ما سابش سلاح يقدر يحارب به ما حاربش به. بيرمي سهام رمى. بيمسك سيوف مسك. مراته وسخرها في والى الله والعمل لدين الله. ما سابش حاجة يقدر يخدم بها الدين ما خدمش بها الدين. ما سابش ثغر يمكن يقف عليه ما وقفش عليه. هو ده اللي احنا عايزينه. الراحل اللي زي ده - 00:16:24

المرأة اللي زي مراته البطلة عايزين الوقت كده يا جماعة. مصعب راح يدعو اهل المدينة لوحده وحيد وحيد وراح مدينة كاملة فتحها. ابن مسعود عود نزل الكعبة والحرم يدعو الى الله ويجهر بسورة الرحمن لوحده. وحيد يا جماعة. وحيد. احنا عايزين نعرف عايزين نعرف يعني في اثر - 00:16:44

عن الحسن البصري يؤتى يأتي الاسلام يوم القيامة. فينصر من نصره ويخذل من خذله. حتى اذا جاء عمر قال يا رب كنت غريبا حتى اسلم هذا. انت بقى هتنصر ولا هتخبر - 00:17:04

من الاسلام يوم القيامة. هيحصل لك ايه يوم القيامة؟ يا ايها المدثر. يا ايها نداء تعظيم. يا اللي نايم وما انتاش عارف قيمتك. يا اللي نايم وما انتاش عارف الطاقات اللي - 00:17:20

جواك قد ايه؟ يا اللي نايم وما انتاش عارف انت بتعد من قد ايه عشان مهمة وشكلها ايه؟ كان مدثر في الامة دا هي كم مدثر في الامة دا هي متدثر بالهدوم الهدوم - 00:17:30

الفخمة الدثور. اهل الدثور اللي هم لابسين البلوفرات ام تلتमित جنيه. والقمصان ام متين جنيه. والبذل ام ثلاث تلاف جنيه. اهل الدثور. اللي لابسين اللبس الفخم الفاخر اصحاب الرفاهية خايف على مركزك؟ خايف على صورتك؟ خايف على وضعك؟ خايف على كلام الناس عليك؟ قم. يا ايها المدثر. يا كل مدثر قم. ارم الرفاهية - 00:17:40

الامة دي مش امة رفاهية. الامة دي امة انقاذ للبشرية كلها. يا ايها نداء تعظيم يعني يا غالي عند ربنا. انت غالي عند ربنا انت غالية عند ربنا. اللي غالي عند ربنا هو اللي بيدعو الى الله. مين فينا غالي عند ربنا يا جماعة؟ مين فينا له قيمة عند ربنا سبحانه وتعالى؟ يا ايها - 00:18:00

السري ايها المدثر يا يا اللي متدثر بالهدوم الفخمة الدثور الفخمة خلاص. قم قم فانذر قم بقى الرسول عليه الصلاة والسلام جاء له امر قم حرفين. حرفين يا جماعة امر حرفين. قام بسببه ثلاثة وعشرين سنة ما نمش. قلوب - 00:18:20

امر الله بالتعظيم. قم لما النبي قام الواقع كله اتغير. لما النبي ساب الغار عليه الصلاة والسلام ونزل في الواقع بعد ما الصحابة كانوا تايهين وحيرانين. واللي عنده اكتئاب واللي تايه في الارض واللي مش عارف الحق فين واللي بيتنصر. واللي واخذ له مكان ومنعزل عن الناس تايهين. الناس تايهة. مش عارفة تعمل ايه. كله اتمل - 00:18:40

كله عرف طريقه كله عارف ربنا سبحانه وتعالى. اتحركوا بقى. اتحركوا بقى عشان الدين يبجي ثاني في الارض. عشان الدين يقوم ثاني في الارض. يا ايها المدثر قل فانذر وربك فكبر. ربك فكبر. اول ما تسمع كلمة الله اكبر في الاذان حياتك تتقطع. اجري على الجامع على طول. ربك فكبر. لما باشوف اللي بيحصل - 00:19:00

امريكا دلوقتي بقول يا سلام! ربنا كبير والله. كل ما اشوف مصيبة بتحصل في امريكا. ربنا كبير. ربنا كبير. يقعدوا يا عيني يخططوا ليل نهار في الاسلام ازاي؟ نضرب افغانستان عشان ما تقومش قائمة للاسلام هناك. يروحوا يا عيني الوقت عاملين زي الفيران.

محبوسين في المعسكرات بتاعتهم ، خايفين من - 00:19:20

اشارات الالوف من المجاهدين اللي قاعدين يصطادوهم زي الفران. يقعدوا يخططوا ثاني. نهدم العراق. نحتل العراق ليه؟ عشان ندمر قلب الامة ونحمي اسرائيل. يروحوا يا دلوقتي يصرفوا في اول سنة بس سبعميت مليار دولار. واربعين الف امريكي يسلموا في اول سنة او اول سنتين. وحوالي خمسين الف مجاهر - 00:19:40

نازلين عليهم ليل نهار من العراق وبرة العراق ما بيرحموهمش. قاعدين يخططوا بس ربنا كبير. ربك فكبر. ربنا كبير يا جماعة. ربنا مش دينه ولا يسبب اولياؤه ولا هيسبب دعائه ولا هيسبب اللي هيمشي في طريقه وثيابك فطهر. خدي بالك انت المجتمع كله من ساعة ما انتقبت ببيص لك - 00:20:00

انت من ساعة ما التزمت والتحيت كله ببيص لك. انت واجهة للدين الوقتي. اوعى اوعى تخذل الدين بسلوكك. اوعى تخذل الدين بوقفة غير محترمة في الجامعة. اوعوا يا جماعة والروس والرشد فاهجر. ولا تمنن تستكثر. يعني هتستكثر حب الدين. حب الدين وانت مش هتحمس زي الام اللي بتدي لولادها. ما بتستكثرش ولا بتمن - 00:20:20

عليهم ليه بتحبوهم؟ عايز روضة تبقى داعية الى الله حب الدين. حب ربنا وانت تتكلم عنه كويس. اللي هيحب ربنا هيتكلم عنه ليل نهار. دا الشاب بيقول يروح لاهه يقول لها انا باحب فلانة وعايز اتجوزها تقول له يا ابني دي مش عجباي. يقعد يكلمها عنها لغاية ما يقنعها انها من العشرة المبشرات بالجنة. سبحان الله! ليه؟ لانه بيحبها - 00:20:40

لو انت حببت ربنا هتتكلم عنه صح. لو حببت الاسلام هتتكلم عنه ليل نهار. ولربك فاصبر. المهمة كبيرة. مين اللي هيشيل؟ فاذا نقر وفي الناقر نقر النقر ده ايه؟ النقرة دي عارف نقرة الضيق كده اهو على طول كده اهو يعني سانية تلمح بالبصر كل حاجة بتتقلب في سانية الناقر اللي هو السور اللي - 00:21:00

ينقر اذان كل مخلوق في الكون كله. فجأة الصوت بينقر اذان الكائنات كلها. فاذا نقر في الناقر فذلك يومئذ يوم عسير. عسير كثير ازاي؟ عسير اللي طالع من الارض يتخطبه كالذي كالذي يتخطبه الشيطان من المس طالع زي بنتكهرب زي المصروع واللي طالع -

00:21:21

زرق والعياذ بالله. واللي طالع يخشى وجهه والعياذ بالله كأنما اغشيت وجوههم قطعة من الليل مظلمة. واللي بياخذ كتابه بشماله والعياذ بالله. واللي الصراط لسان لهب بياخده او خطاطيف بتتخطفه او كلاليب بتسقطه في جهنم. او حسك بيوقعه في النار. او ما بيدخلش على الصراط اصلا وبيترمي في جهنم - 00:21:41

اولها واللي بيعرض على الله وسبعين الف ملك يتخطفوه. واللي والعياذ بالله موازينه بتخف يوم عسير. يوم عسير على اللي بعد عن ربنا واعرض عن ربنا. الحق نفسك الحق نفسك اليوم ده صعب جدا. الحق نفسك اليوم ده صعب جدا يا جماعة. الحقوا نفسكوا كل كلمة في السورة جاية بتقول لكل واحد منا الحق نفسك. لكل - [00:22:01](#)

واحد الحقوا نفسكم. طب هو هو ايه اللي دخلنا في اذا نقر في الناقور؟ كأن ربنا بيقول للنبي يلا بقى. يلا انت خدت عدتك قم اشتغل بقى. احنا مش بتوع كلام - [00:22:21](#)

احنا بتوع شغل. انزل بقى كلم الناس بقى. انزل اشتغل اتحرك. احنا عمليين ما احناش بتوع كلام. فاذا نقر في الناقور فذلك يومئذ يوم عسير. على الكافرين غير يسير انما على المؤمنين يسير وجميل. يوم من اروع ما يكون حفلات ايمانية في ارض المحشر. ذرني ومن خلقت وحيدا - [00:22:31](#)

مين ده؟ ده الوليد ابن المغير عمل ايه؟ وقف في وش الدعوة ليه؟ كانه ربنا بيقول للنبي من اولها. من اولها تنزل تشتغل في الدين هيبقى لك عداء. فيه ناس هتقف في وشك، فيه ناس مش - [00:22:51](#)

سبك بس سبهم لي زارني. سبهم لي. ما تشغلش بالك. كمل انت طريقك. انا اللي انا اللي هاتولى. انا اللي هانتقم منهم. انا اللي هاحاربهم. زارني ومن خلقت وحيدا سبهم لي. انا اللي هانتقم من الطرائف في الحرب العالمية الثانية كانت امريكا مش راضية تنزل في المعركة. وكانت انجلترا هتجتجن عشان تنزل امريكا معها في - [00:23:01](#)

لغاية ما حصل موقعة بيبلا هاربر واليابانيين ضربوا المعسكرات الامريكية. في امريكا نزلت في المعركة بعد خمس سنين في معركة وملايين القتلى في يومين او تلت تيام المعركة انتهت ليه؟ امريكا نزلت بالاسلحة النووية نهتها. عايز اقول ايه؟ انا عايز اقول امريكا دي مخلوق. ما بالك بقى - [00:23:21](#)

ربنا معنا لو ربنا في ارض المعركة معنا. يا جماعة يا دعاة يا اهل الحق الله في ارض المعركة معنا اطمنوا. اطمنوا ذرني ومن خلقت وحيدا. كمل انت شغلك في الدعوة ما لكش دعوة انا اللي هاشوفه. انا اللي هاتولاه. انا اللي هانتقم منه ده ايه؟ ده لفز من الفاظ الحرب. زارني. سبهم لي. ده حرب! حرب! مين اللي بيحارب ربنا؟ اللي فاتحة - [00:23:41](#)

اللي بتحارب ربنا. المتبرجة اللي بتفتن المسلمين في كل مكان بتحارب ربنا. اللي فاتح شركة قائمة على الربا بيحارب ربنا. اللي بيتاجر في البورصة ولا في مكان بالاسهم الربوية ربنا اللي - [00:24:03](#)

فاتح كوفي شوب بيحارب ربنا. اللي عامل كل واحد اللي فاتح محل خمور وبيعملوا تيك اواي. اللي شغالين في الزنا دليفري وتيك اواي. كل دول بيحاربوا ربنا سبحانه وتعالى كل اللي فتح اتيليه كل دي حرب على الله. يشوفوا بقى ربنا يحاربهم ازاى. يشوفوا اللي مسخرة موهبتها الاعلامية او مسخر صوته. في تضليل الشباب - [00:24:15](#)

اللي مسخر جريدته في حرب الدعاة كل دول بيحاربوا ربنا. وربنا بيقول الدعاء زاروهم. زروهم ما لكوش دعوة. ذرني ومن خلقت وحيدا. ده مين ده؟ ده الوليد المغيرة ربنا بيقول خلخته وحيد ما لوش زي. ما لوش زي. مواهب واحترام وتقدير ووجاهة ورياسة. وحيد ما لوش زي. وجعلت - [00:24:35](#)

له مالا ممدودا. مش عنده عشرة مليون جنيهه محطوطيين في البنك وبيصرف منهم. لا. ده عنده تجارة قاعدة تجيب له فلوس كل يوم اكثر من اللي قبله. مال ممدود مهما - [00:24:55](#)

بيصرف بييجي له اكثر وبنين شهودا عنده عشرة سبع عيال رجالا واقفين معه في تجارته ومعهم في النادي بتاع المشركين ومعهم في كل موقف مش عيال تعبانة خزية ابوها قدام اي حد. لا. بنين شهودا. ادبته كل حاجة. ومهدت له تمهيدا. سفلت له كل الطرق للحاجات اللي هو عايزها - [00:25:05](#)

اتصلت بكل اللي هو عايزه. وصلته للمركز والشهرة والمقام والرئاسة. ادبته كل حاجة. ولكن عصاني. ثم يطمع ان ازيد تبرجت وسفرت عن وجهها وسفرت عن مكياجها وسفرت عن شعرها. ولبست لبس ضيق ثم تطمع ان انا اساعدها في حياتها الزوجية كلا. راح صاحب -

[00:25:25](#)

بنت ولا خمسين بنت وهو عايش زي ما هو عايز. ثم يطمع ان انا اوقفه في مستقبله. كلا اللي كل مال حرام وراي واتعامل بالربا وسلف الناس بالربا والسلف بالربا. ثم يطمع ان انا ابارك له في صحته في اولاده. كلا انه كان لاياتنا عنيدة. كلا. خدوا بالكم يا جماعة. ربنا ادى له كل حاجة - [00:25:45](#)

الله! يبقى الفلوس مش علامة ان ربنا بيحبك يبقى بس الرزق مش علامة ان ربنا بيحبك. يبقى العيال الكثير مش اعلم ان ربنا بيحبك. يبقى المركز والوجه مش علامة ان ربنا بيحبك. اومال ايه العلامة؟ الايمان انه يعرفك به. انه - [00:26:05](#)

يرزقك انك تتقيه وتخشاه. هي دي العلامة اللي ربنا بيحبك. ثم يطمع ان ازيد كلا لا يمكن ابدًا. لا يمكن حاولت ازوده في الدنيا. يعني ايه يعني الدنيا هتروح منه. ازاى؟ ازاى الدنيا هتروح؟ ما هو اللي بيضيع الدنيا هو قلة الدين. خدوا بالكم يا جماعة الحقوا نفسكم. الحق نفسك والحقى نفسك يا كل - [00:26:18](#)

واحد وواحدة عندهم دنيا خايفين عليها. الحقوا نفسكم من المعاصي. المعاصي هي اللي هتمحق الدنيا وهتضيعها. الحقوا نفسكم. كلا انه كان لاياته عنيدة لاياتنا بس يعني هو صاحب جريدة سايب الفساد اللي في المجتمع وسايب المنحلات وسايب الراقصات والدعاسات كل ده وما فيش في دماغه حرب غير للدعاة والداعيات - [00:26:38](#)

والمنتقبات والملتحين. والدعاء هو ده الحرب بتاعته. انه كان لاياتنا. هو ده بس اللي حرق قلبه؟ طيب. سارهقه صعودا نزلوا عليه. كورباجين الكرباج الاول سارهقه صعودا. والكرباج الثاني ساصليه سقر. سارهقه - [00:27:00](#)

ان الانسان يتعرض لما لا يطبق ولا يحتمل ولا يستطيع ان هو يصبر عليه. صعوده يعني هخلي كل حياته من مشكلة المشكلة اعلى. لمشكلة اعلى. عزاب متصاعد. ارهاق متصاعد. مش يرهق ويقف يستريح. مش هخليه ياخذ نفسه. مش هخليه مش هخليه - [00:27:20](#)

استريح. ربنا عمل ايه في الوليد ابن المغيرة؟ وفي كل وليد ابن المغيرة في الدنيا فضل يدخل من مشكلة في التجارة لمشكلة من خسارة لخسارة من خسارة لخسارة اشد لغاية - [00:27:40](#)

مات فقير بعد ما كان اغنى الناس عند الموت روحه وهي بتتصاعد تتصاعد لغاية التراقي. وما تطلعش روحه محبوسة في جسمه مع الام رهيبة. في النار يصعد على جبل في النار - [00:27:50](#)

يفضل يصعد يصعد يصعد يصعد يصعد يصعد يصعد يصعد. زي بتوع الاشغال الشقة المؤبدة والعياز بالله في الدنيا. سارهقه صعودا. شوفوا بعد وربنا قال مهدت له تمهيدا. مشيته في سكك متسفلتة. الدنيا كانت متمهنة له. بقت دنيا جبال واعرة تايه فيها ومش عارف يوصل لحاجة. بسبب - [00:28:03](#)

المعاصي الحق نفسك الحقى نفسك. كل واحد يلحق نفسك ليه يا رب؟ سارهقه صعود عذاب متصاعد في الدنيا عذاب ولكن عذاب كذا سنة يبجي الموت يدوق العذاب اللي ما ولا توقعوا اما روحه تطلع. ينزل القبر يلاقي عذاب فوق التخيل والتصور. ده الدنيا دلوقتي حر. الواحد بيتخفق لو قاعد في مكان. ده الواحد قاعد في الاستوديو مساحته قد ايه - [00:28:23](#)

واحد بيعرق وحران يا جماعة. امال اللي مقفول عليه قبر وطالع عليه صهد من النار والعياز بالله ده هيعمل ايه. وبعد كده العذاب يتصاعد يوم القيامة اكتر. وبعد كده في النار عذاب - [00:28:45](#)

اعلى واعلى والعياز بالله. ليه يا رب كل ده؟ انه فكر وقدر فقتل. قتل ده لفز حرب تاني. ده لفز من الفاز الحرب. الحرب قائمة الحرب قائمة مع كل عاصي. الحرب قائمة مع كل معاند. لازم كل واحد يدرك عقبة اللي هو بيعمله. المعصية يعني حرب لله. يعني مبارزة لله - [00:28:55](#)

المعاصي في مملكته فقتل كيف قدر. هي قصة الوليد ابن المغيرة. ايه القصة بتاعته؟ الوليد ابن المغيرة كنا اتكلمنا عنه قبل كده في سورة النور القلم. هو ايه حكايته؟ الوليد بن المغيرة راح - [00:29:15](#)

النبي عشان يجادله عليه الصلاة والسلام. سمع سورة فصلت انبهر تاه. ما قدرش يتمالك نفسه. رجع مبهور. بيقول للناس ان اعلاه لمثمر وان اسفله مغدق وان له لحلاوة وانه ليحطم ما اسفله. وانه لا يعلو ولا دجاجع يشعر ويشعر ويشعر. الناس كانت هتتجنن لوليد

ابن - 00:29:25

لألا الوليد ده شخصية مؤثرة. ده شخصية لو اسلمت مكة كلها تسلم. لا. فيه شخصيات ما ينفعش الدين يوصل لها ولا انها تدخل في الدين. ابو جهل قال لهم سهولي - 00:29:45

راح لابو جهل بدأ يتريق عليه. ويسخر منه. التمانين في المية من المنتكسين سبهم كلهم تريقة تصحبهم عليهم. بدأ يتريق. الوليد اتقلب مع سخرية ابو جهل عملوا وليمة كبيرة وجمعوا قريش فيها ووقفوا الوليد ابن المغيرة قم قل كلمة في محمد. وقف الوليد شف ربنا يبصرو المشهد بتاعه ازاي - 00:29:55

الوليد عايز يقول كلمة في القرآن. عايز يشتم في القرآن زي المنصرين وزي بتوع الشبهات الوقتي. عايزين يشتموا في القرآن. هيجيبوا منين؟ هيقولوا ايه؟ انه فكر. اقول ايه؟ طب باقول ايه؟ ده انا كل الايات اللي سمعتها معجزات. طب اعمل ايه؟ واقدر بس انا لازم اشتم - 00:30:15

لازم والا هبت هتضيع. فقتل كيف قدر. ازاي قرر انه يحارب ربنا؟ ازاي؟ ثم قتل كيف قدر اصر. وصمم رغم انه مش لاقى حاجة يقولها على القرآن ثم نظر النزر ده النزر اللي هو تقليب البصر في كل ناحية هتبص كده بيدور على اي حاجة تفكره باي حاجة يقولها في القرآن مش لاقى - 00:30:30

ام عبس بدأ يقلق الناس كلها باصة له بدأ يبقى منظره مضحك. عبس قطب جبينه وبدأ يعصر دماغه بيفكر ما هوش عارف يوصل لحاجة وبصر. البصر نزل الاطفال المبتسرين. الواد مولود مسقوط صغير. بصر وشه اتخسف. وشه اتصفت - 00:30:49
سماويلته راحت وشه كلح ما حدش ما حدش عارف قلبه قلبه اتقبض. مخه ما عدش لسانه اتشل ما عدش عارف يعمل ايه. ثم عبس وبسط اقول ايه وكله واقف مستني وهو بقى منزره محرج ومنزره وحش جدا. سم اكبر واستكبر فقال ان هذا الا سحر يؤثر. ما لقاش غير - 00:31:06

قديم اتقال على القرآن سحر الكلمة دي في زاهرها سخرية من القرآن ولكن حقيقتها فيها انبهار بالقرآن انه سحر انه بيسحر يؤثر يعني اديم ياما المناصرين بيقولوا كده القرآن ايه يعني فيه حاجات جميلة ما قديمة قديمة ياه! قديمة ده انتم اللي قديمة! ده انتم اللي المؤامرات بتاعتكم والمكايد بتاعتكم قديمة يا اهل الباطل - 00:31:26
يا اللي بتتوارثوا الباطل جيل عن جيل. ثم اكبر اهو جدكم اهو. فقال ان هذا الا سحر يؤثر. ان هذا الا قول البشر. شف ربنا يبصرو كل فكرة في دماغك متراقبة. كل ما البح في وشه كان متراقب. اه لو العاصي يعرف. الحق نفسك. ده انت متراقب مراقبة عمرك ما تتخيل مدام. ده - 00:31:46

انت كل ملمح في وشك متراقب. كل خلقة في عينيك متراقبة. كل فكرة في دماغك متراقبة. كل خاطرة في صدرك متراقبة. الحقوا نفسكم يا جماعة. ساصيله صقر الكبراج الثاني نازل عليه. ساصيله سقر. الصلي. ايه الفرق بين الصلي والشوي - 00:32:06
الشوي ان ممكن فرخة تتحط مسلا تتلف في ورق فويل مسلا وتتحت في صينية وتتشوى. مش متعرضة للنار. الصي الاحتكاك المباشر الجسد وبين النار. الصلي ان النار لامسة الجسم. ساصيله هاقبله على جهنم. ساصيله سقر في آا اثر عن ابن عباس ان سقر - 00:32:24

في الدرجة السادسة في جهنم والعياز بالله انها لاحدى الكبر يعني احدى دركات جهنم السبعة. اللي هي جهنم الجحيم لظا الهاوية صقر السعير الحطمة سبع درجات والعياز بالله. سقر الدرجة السادسة في جهنم. شف بقى دي عمقها قد ايه. سقر دي شكلها. سقر ديت من سكراته الشمس يعني دوبته - 00:32:44

يعني بتدوب اجساد وبتسيحهم. وسكرات والشمس يعني جا له ضربة شمسية. تخيل وهي على بعد ثلاثة وتسعين مليون ميل. اما بقى لما يدخل جواها؟ ولا يدخل جوة النار اللي اشد منها - 00:33:08
مرة ساصيله سقر وما ادراك انت مهما تخيلت عمرك ما هتتخليها. حاجة فوق التخيل والتصور. وما ادراك ما سقر. انت عارف دي ايه لا تبقي ولا تدر لا تبقي ما بتسبش زرة في جسمه من غير ما تحطمه بالنار. ما بتسبش ضرة في جسمه ولا تدر - 00:33:18

عارفين زي الاوبن بوفيه كده ؟ عارفين الاوبن بوفيه لما واحد يتقال له انت ما فيش صنف من ده مش هتدوقه ؟ ما فيش صنف من اصناف العذاب فيها مش هتدوقه لواحد واحد فيها - [00:33:38](#)

ولا تذر مش هتزيد نوع من انواع العذاب ما تدقوش للي دخلها. والعياذ بالله. لا تبقي عارفين زي الوحش اللي بيبلع حاجة. الحوت اللي بيبلع سمكة بتبلع الشخص ابتلاء كامل. لو واحدة للبشر. لو واحدة يعني الناس منوية لسة على بعد خمسميت سنة منها تلوح لهم بمنزر مربع - [00:33:48](#)

مربع تلوح لهم من بعيد يشوفوها من بعيد. ولوحته الشمس يعني سودت وشه. تخيل بقى والشمس بينا وبينها قد ايه. فلواحة للبشر فيه ناس قالوا البشر اللي هو الجلد بشرة الجلد يعني يتسود وبتلهب وبتشوي الجلد من وهي لسة على بعد خمسمية - [00:34:08](#)

اومال لما يقرب ويقع فيها بقى يحصل له ايه؟ لواحة للبشر عليها تسعة عشر عليها دين يعني والعياذ بالله هي زي هاوية لتحت وهم واقفين فوقها ممنوع ان حد يطلع. او عليها زي يقول لك انك لعللى هدى. يعني ما بتنحرفش ما بتحدوش. ما بيزيغوش. ما بيفتروش - [00:34:28](#)

ما بيسيبوش الحراسة. ممنوع حد يطلع من سقر بعد ما دخل فيها. والعياذ بالله. دي مأوى الناس اللي لو دخلت مش هتطلع تاني عليها عليها تسعة عشر نكرة. تسعة عشر كلمة نكرة. نكرة. ينكروا في شكلهم وفي تصرفاتهم وفي افعالهم. كأنهم تستعاشر - [00:34:48](#)

لواء كل لواء معه كتيبة او فرقة كاملة من فرص جيش ملائكي. حاجة رهيبة. عليها تسعة عشر. المشركين الاغبياء وابو جهل واللي على شاكلته لما سمعوا الاية دي ضحكوا قالوا تستعاشر. ابو جهل قال بص انا هكفيكم سبتعاشر وانتم اتنين. واحد تاني قال سبع تستعاشر! ده احنا لو كل واحد منا اتلم على واحد يكسره - [00:35:06](#)

ونطلع واحد تاني قال بصوا بقى انا هخبط بكتفي اليمين عشرة وبكتفي الشمال تسعة واطلعتكم كلها منها. قعدوا يتريقوا. قعدوا يسخروا جهلة فاكريتهم تستعاشر عسكري؟ فاكريتهم تستعاشر؟ فاكريتهم تستعاشر ايه ؟ ربنا بيقول وما جعلنا اصحاب النار الا ملائكة. ما هماش عارفين دول قوتهم ايه - [00:35:26](#)

وما يعلم جنود ربك الا هو. ما حدش يعرف جنود ربنا قوتها ايه. وحجمها ايه؟ وطاقتها ايه؟ وعددها ايه؟ واللي وراهم مين يا جماعة ده رمش عينك ده ممكن يبقى جندي. لو رمش عين اتقلب في العين بس شوفوا بيعمل امراض وقروحات شكلها ايه. ربنا يعافينا. كل غدة في جسمك جند من جنود الله - [00:35:46](#)

لو غض ربنا قال لها اقفي او وقفي او اهدي او قل لي تعمل ايه ؟ يا اخواننا ده كل حاجة في جسم الانسان كل عصب جندي لو ربنا قال لعصب هيج - [00:36:06](#)

فور قلموا قلبوا على النار بتاعة الم الاعصاب يعمل ايه؟ ده كل ده حشرة اتى كان الجندي قتلت النمرد. ده النمل كان السبب في انهيار حضارة حضارة اليمن كلها لما اكل سد مأرب من جوة. يا جماعة جنود ربنا ما حدش يعرفها ولا يعرف ابداء. بيتريقوا على ايه الجهلة دول! خدوا بالكم كانت الاول المعركة مع الوليد - [00:36:18](#)

وغيره. شوية بقت مع ابو جهل وناس تانية من القبائل. هو ده الطريق ده كده. الطريق شوية فما لهم عن التذكرة معرضين كانهم حمر. شوية وكنا نخوض مع الخاضعين ده كده كله معوقات. كله معارضات. كله اهل باطل واقفين واحنا هنفضل مكملين. كل هنفضل منطلقين. هنفضل قائمين على امر الله. لا يضربنا من - [00:36:38](#)

لنا باذن الله حتى تقوم الساعة. حتى ينصرنا الله سبحانه وتعالى عليها تسعة عشر اعداء. اعداء واقفين وعايزين يحاربوا الدين. ولكن يا جماعة الدعوة مش كده الدعوة ما بتقفش بالمعارضة. اهل الباطل مش فاكريين كده. اذا كانت امريكا ولا اهل البطل هيحاربوا الدعوة. الدعوة ما بتقفش بالمعارضة. المعارضة للدعوة عاملة زي بالزبط نهر وجات - [00:36:58](#)

فلما داقت فيه الماية بتمشي اسرع كمان ده الدعوة بتسرع لما بيضيق عليها. الدعوة عاملة زي بيضة جواها جنين. الجنين قاعد ينمو ينمو ومن برة كل يبص يتيهياً له ان هي سابتة ما فيش فيها حاجة. ومن جوة في نمو. لما الدعوة بيتقفل عليها بتفضل تنمو من جوة وهتطلع وهتطلع ما شاء الله سبحانه وتعالى لها. في الوقت - [00:37:19](#)

ربنا يأذن به. الدعوة يا جماعة ما هياش عارفين زي واحد ماشي في طريق اي طريق فيه مطبات. لما بييجي مطب بيهدي وبعد كده

00:37:39 - یسارے تانی۔ ای معارضۃ ہی مطب بیهدی وبعد کده بیصرف -

تانی. الدعوة الى الله يا جماعة. عارفين اللي بيلعب حديد؟ لما يكون واحد قاعد يعمل ايده كده. عادي. انما لو انا حاطط سقة الحديد

فی ایڈی اقعد اعمل کده. بعد شویة الاقی - 00:37:49

الاقى العضلات اتنفخت ليه ؟ لانها ضد مقاومة. الحركة ضد مقاومة بتقوى اكثر. لما الدعوة بتسير ضد مقاومة اهل الباطل بتشد اكثر

اكثر. وتقوى اكثر. مين اللی هیحارب ربنا؟ مين ده اللی بیفكر انه یحارب ربنا؟ مين اللی یفكر؟ اللی واقف فی وش اولیاء الله زارنی.

ده ده بیچارینی. سیبه لی - 00:37:59

انا اللى هتكفل به. عليها تسعة عشر وما جعلنا اصحاب النار الا ملائكة. تلاخزان الية اللى جاية دى اطول اية فى سورة المدثر يا

جماعة غير سورة المزمّل. سورة المزمّل اية هادية. بطيئة ليه؟ تناسب جو - 00:38:19

قيام الليل وهدوء الليل انما سورة المدثر سريعة. ربك فكبر ثابك فطهر الرزق. ليه؟ تناسب جو الحركة والنشاط والانفعال والحماس

والاشتعال من اجل نصرة الدين. الا الاية داهي. الاية واحد وتلاتين. وما جعلنا اصحاب النار الا ملأكة. وما جعلنا عدتهم الا فى فتنة

00:38:36 - للذين كفروا -

الذين اوتوا الكتاب ويزداد الذين امنوا ايماناً. ولا ايه الاية دى طويلة كده عارفين ليه؟ لان الدين اتشتم. فربنا بيرد على دينه. يعنى ايه

ربنا يعلمنا ان اوعى تسكت لها الدين يتشتم. اوعى تسكت لما دينك يعتاد عليه. اوعى اخواتك يفتصبوا في اطراف بلاد المسلمين

00:38:56 - وانت ساکت

المسلمين مسجونين في سجون امريكا وانت ساجد! الحرمات بتنتهك وانت ساكت! المساجد والاقصى بيعتدي عليه وانت ساكت!

او عى تسكت! قم قم والحق قم والحق نفسك قم. احسن تعامل معاملة ثانية خالص. وان تتولوا يستبدل هيستبدلك. ده انت لو

موزف ترضي انك تترفد ويحييوا واحد مكانك - 00:39:16

ترضى ربنا بيقول هرفدك واجيب حد مكانك هرفدكم واجيب ناس مكانكم. نرضى ان احنا يحصل فينا كده يا جماعة. يا اخوانا

عَايِزِينَ نَقُومَ لَدَيْهِ رَبَّنَا سُبْحَانَهُ وَتَعَالَى. وَمَا يَعْلَمُ جُنُودَ رَبِّكَ إِلَّا هُوَ. كَلِمَةٌ - 00:39:36

بالعزة وما هي الا ذكرى للبشر ادينى قلت ادينى قلت الى هيتعز يتعز. واللى يرجع يرجع. وكلا والقمر والليل اذ ادبر. والصبح اذا اسفر.

إيه المشهد ده؟ سورة المدثر صورة تصويرية رهيبة. شوفوا الوقت لما ربنا صور عمل إيه للوليد ابن المغيرة - 00:39:50

كان يفكر ازاى ؟ تصوير رهيب. شوفوا لما ربنا صور صقر دلوقتى صورها ازاى! شوفوا ربنا دلوقتى يا جماعة بيصور كلا والقمر. القمر

اهو فى السما. والليل اكبر الليل راح بس القمر لسه فى السما بتحصل. ان الشمس بعد ما تطلع بشوية برضه القمر يفضل موجود.

والصبح اذا اسفر الشمس طلعت يعنى ايه؟ بقت السما فيها القمر - [00:40:10](#)

والشمس مع بعض يعنى ايه ؟ قمة النور بقى. قمة النور السما الليل راح وبقي القمر والشمس. يعنى ربنا بيقول ايه ؟ ربنا بيقول خلاص

النور جه الحق الواضح الصريح جه الطريق المبين للوصول الى اهو عايزين ايه مستنيين ايه واقفين مترددين ليه - 00:40:30

وخلص الطريق وضعه. شوفوا ربنا يا جماعة. شف ربنا بيعيشك فى مشاهد ازاي. بيبصورك المشاهد ازاي. ليه؟ هي الدعوة لازم

تبقى كده. لازم نبقي كده. ما ييقاش طيب خمسة وعشرين قناة قاعدين يتنططوا ليل نهار قدام الناس. ومش عارف ايه حداثر قناة.

وايه اربعة ما ينفعش يا جماعة. لازم الدعاء مش يروحوا يكبوا كلمتين قدام الناس ويمشوا - 00:40:50

لازم نعيش الناس في الآخرة. لازم نعيش الناس في الجنة وفي النار وفي القيامة. وفي نعيم ربنا وعذاب ربنا. لازم نعيش الناس في

ملکوت السماوات الواسع العظیم بتاع ربنا لازم الناس تعيش دین. مش تسمع دین تعيش دین. تفهم دین. تبقي الدین کده کأنه زی ما

النبي عمل مع الصحابة فكأن رأى عين عاشوا - 00:41:10

عاشوا جنة ونار من وهم لسة على الدنيا. سورة المدثر بتقول لك قم خليك قوى. بتقول لك خليك عملى. فاذا نقر فى الناقور ما

تفقدش تسمع كلام كثير بقى قم اشتغل بقى. سمعت ست توصيات فى الاول قم اشتغل الوصايا الستة اللي فى الاول قم اشتغل

بعدهم بقى. سورة المدثر بتقول لك اوعى تسكت لما دينك يتهان - [00:41:30](#)

جعلنا اصحاب النار الا المائكة الاية الطويلة دي. اوعى تسكت. سورة المدثر بتقول لك عيش الناس في الدين. خيلوب صور لهم الدين. خليهيم يعيشوا كل طول ما انت بتقولها اتعب وجاهد عشان توصل لهم معاني الدين واضحة وعائشين فيها. كلا والقمر والليل. الليل

اللي كان في سورة المزان من ربنا - [00:41:50](#)

بيقول انه هو هو ده اخطر فترة في حياتك كلها. ربنا بيقسم به ثاني وسورة الليل. والليل اذا يسر. والليل اذا عسعس والليل اذا يغشى.

والليل اذا ربنا اقسم بالليل - [00:42:10](#)

كتير ليه؟ ربنا بيحب الليل ده اخطر فترة في حياتنا كلها. ده فترة العبادة كلها. الليل ده عبادة الناس اللي عارفة انها بتيجي من فوق.

اللي عارفة ان كل حاجة - [00:42:20](#)

اتقضى من فوق سبع سموات. هم دول اهل الليل. هم دول عباد ربنا بالليل والصبح اذا اسفر انها لاحدى الكبر اللي هي سقر كبيرة من

الكبر اللي هم السبع درجات بتاعة جهنم. نذيرا للبشر. اهو قد اعذر من انذر لمن شاء منكم ان يتقدم او يتأخر. انت انت - [00:42:30](#)

يا حبيب قلبي انت يا بتتقدم يا بتتأخر. لو ما بتتقدمش يبقى انت بترجع يا اختي في الله اللي عايز يتقدم لازم ياخذ خطوات واللي عايز يرجع لازم ياخذ خطوات. انت الخطوات اللي بتاخذها. بتقربك من ربنا ولا بتبعدك عنه. بتقربك من النار ولا بتبعدك عن -

[00:42:50](#)

يتقدم من نار هنفضل نتقدم من النار اكر من كده ازاى؟ عايزين يا جماعة نفوق بقى. عايزين يا جماعة نستيقظ بقى عايزين نلحق

نفسنا نلحق نفسنا لمن شاء منكم ان يتقدم او يتأخر. شوفوا الاية اللي بعدها. كل نفس بما كسبت رهينة. عارفين الرهائن؟ عارفين لما

يطلع - [00:43:05](#)

يقبضوا على ناس في طيارة او ناس في مبنى اسمهم رهائن. تلاقي الرهائن قاعدين مزلولين ومرعوبين وخايفين. ولو ما اتنفزتش

الشروط اللي اللي المحتجزين خدوها يحصل فيهم ايه؟ يتقتلوا. رهينة. احنا ربنا بيقول لك انت رهن ايدي. انت رهن امري. انت رهن

امري. رهينة دي لفز من الفاز الحرب برضه. ايه ده! هو الفاز - [00:43:25](#)

حرب كتير كده ليه؟ لأ ده لسة. ده كل القرآن فاكرين لما قلنا يوم يكشف عن ساق! ده لفز من الفاز الحرب! فاكرين لما قلنا اذا وقعت

الواقعة الواقعة اللي هي الحرب! فاكرين لما - [00:43:45](#)

قلنا فاذنوا بحرب من الله ورسوله يعني حرب. فاكرين لما قلنا وجاء ربك والملك صفا صفا. صفوف الملائكة دي زي صفوف الجنود في

المعركة والحرب. ده حرب حرب حقيقية انقز نفسك. الحق نفسك. الحقي نفسك. ما حدش يقدر يحارب ربنا يا جماعة. ولا حد يقدر

يقف في وش جنود ربنا سبحانه وتعالى. نلحق نفسنا - [00:43:55](#)

انها لاحدى الكبر نذيرا للبشر لمن شاء منكم ان يتقدم او يتأخر. يا ترى انت فين الوقتي وقرب من ربنا ولا بعيد يا ترى انت الوقتي

فين من النار؟ قريبة ولا بعيدة؟ بتقربي ولا بتبعدي؟ احنا يا جماعة لازم نعرف وضعنا. لازم نعرف مكانا، لازم نعرف احنا فين. لازم

نعرف - [00:44:16](#)

في الارض اللي رجلينا عليها دلوقتي موقعها من الجنة فين؟ وموقعها من النار فين؟ وموقعها من رضا ربنا فين؟ كل نفس بما كسبت

رهينة. انت رهينة. اللي يفكك عملك الصالح واللي - [00:44:34](#)

يهلكك عملك السيء. رهينة ربنا بيقول لك انت رهن امري مستقبلك وجوازك وعيالك وسعادتك. وشفاك ودرستك ومركزك ورزقك كل

ده رهن امر الله. عارفين يعني ايه راهنة عارفين لما واحد يقول يا الدفع يا الحبس - [00:44:47](#)

اهو يندفع الحبس يا التوبة يا النار اما التوبة واما النار. اهدي ابراهيم. هو ده معنى كلمة رهينة. كلمة حرب. كلمة معركة. كلمة بتقول

لنا الحقوا نفسكم. الا اصحاب اليمين - [00:45:04](#)

اللي راحوا ناحية ربنا فيه جنات عكس دركات النار. يتساءلون عن المجرمين. ايه ده! هم وقفوا مع بعض. ايه ده! احنا عملنا زنوب

كتير وربنا غفر وارحمنا. امال اللي راح النهاردة راح ازاى؟ هم بيتسألوا مستغربين. اللي راح النار ده راح ازاى بعد كل الرحمات اللي

شفناها من ربنا. ازاى ربنا غفور - 00:45:19

الرحيم للدرجة ديت وفيه ناس اترمت في جهنم. يتسائلون عن المجرمين ما سلككم في سقر؟ ازاى ؟ ازاى ربنا بالرحمة دي! يا هو قم فانزل يا رحمة قمة الرحمة. هو ربنا محتاجنا في حاجة؟ هو ربنا لما احنا هنطيع هو ربنا بيبعت لنا الرسل والرسل ليه؟ وبينزل لنا ملائكة المقربين لرحمة عشان ينجدنا - 00:45:39

عشان ينقذنا عشان يساعدنا في الدنيا وفي الآخرة. في ما سلككم في سقر. ايه اللي وداكم؟ ايه اللي جابكم هنا؟ ايه اللي جابكم هنا وربنا بالرحمة دي؟ قالوا لم نك من المصلين - 00:45:59

ولم نكن نطعم المسكين. وكنا نخوض مع القائدين. وكنا نكذب بيوم الدين حتى اتانا اللي هو الموت. الموت جاي جاي. الحق نفسك الحقنا في كل كلمة في السورة دي بتقول لنا الحقوا نفسكم لمن شاء منكم ان يتقدم او يتأخر. الحقوا نفسكم وغيروا وضعكم والحقوا تقدموا تجاه - 00:46:09

الملك سبحانه وتعالى هم بيعملوا ايه؟ دول بيحكوا بيندبوا على نفسهم. القصة بدأت ان احنا ما كناش بنركعها لم نك من المصلين. كانت البداية الصلاة. كانت في البداية ان احنا استهترنا بالصلاة. يا اللي ما بتصلوش يا اللي بتصلوا على سطر وتسيبوا سطر. يا اللي مستهترين في صلاة ولادكم اللي ما بيصلوش قدام عينيكم. قاعدين - 00:46:35

اكلوهم وتشربوهم وتعلموهم وتجيبوا لهم كل اللي هم عايزينه ومستهترين في الصلاة. هتسيبوهم يروحوا جهنم قدام عينيكم. اهي القصة بدايتها الموضوع بدايته الصلاة. بداية الانطلاق الى الله الصلاة. وبداية الانهيار الاستهتار في الصلاة. الصلاة يا اخوانا الصلاة يوم يكشف عن ساق ويدعون الى - 00:46:55

سجود فلا يستطيعون. ضرهم يتخشب. مفاصلهم تتنحى. ضرهم يبقى عامل زي الحجر بالزبط والعياذ بالله. قلة انها لظى نزاعت للشوى الشوى اللي هو الايديين والرجلين وفروة الراس اللي هي اعضاء السجود والصلاة. الجهنم بتقطعها تحت للي ما بيصليش. اللي ما صلاش في الدنيا - 00:47:15

اقتضي الصلاة دي في جهنم. جبهته هتسجد على جمر جهنم. ده ان عرف يسجد والعياذ بالله مش في تكبير ولا مروحة ولا على سجادة صلاة على النار والعياذ بالله. هيصلي قد ايه وهيقرأ قد ايه وهييقى امامه مين؟ يا جماعة الصلاة ما سلككم سلككم -

00:47:35

يعني يعني دخلكم في المتاهات والاماكن الضيقة والتوابيت بتاعة سقر دي. وسقر خدوا بالكم صقر زكرت في القرآن كله اربع مرات ثلاثة منهم في سورة المدثر ثلاثة ليه؟ ما انا قلت لكم صدمة كهربائية. دي دي البداية. الواقع كله ضلال. الواقع كله فتن - 00:47:50 الناس قلوبها ماتت زي ما احنا بنمشي في الشارع دلوقتي ونشوف الفتن في بلاد المسلمين. لازم صدمة كهربائية تفوق الناس. ثلاث مرات سكر وخدوا بالكم. سقر في الصورة جت مع اتنين - 00:48:08

جت مع اللي زي الوليد ابن المغيرة ومع اللي حارب الدين. بس لا. واللي قال لم نك من المصلين واللي اعرض. واللي ما لهم عن التزكرة معرضين واللي ما رضاش يسمع - 00:48:18

خدوا بالكم يا جماعة. خدوا بالكم يا اخوانا هو قوم لوط دخلوا جهنم بسبب كفرهم ولا بسبب فعل قوم لوط بسبب الاتنين. يبقى زي ما الكفر بيهلك المعصية بتهلك. زي ما الكفر بينزل في عزاب القبر المعصية بيتنزل في عزاب القبر. زي ما الكفر بيرمي في جهنم المعصية بترمي في جهنم. خدوا بالكم يا جماعة. المعصية - 00:48:28

خطيرة الحقوا نفسكم الحقوا نفسكم ونتوب من كل ذنب علينا للملك. اللهم تب علينا. اللهم تب علينا لتتوب يا رب العالمين. اللهم تب علينا توبة لنا ترد بعدها ابدًا الى المعاصي يا رب العالمين - 00:48:48

ما سلككم في سقر؟ قالوا لم نك من المصلين. كانت البداية الصلاة. البداية ان احنا ما كناش بنصلي البداية ان احنا استهترنا بالصلاة. ولم نك نطعم المسكين. قلبنا نشف بعدها. فبقينا نشوف الغلبان معنا فلوس وجيوبنا مليانة. وارصدتنا مليانة. وعندنا ثلاث اربع

عربيات - 00:49:01

كل واحد في العيال عنده عربية. ومراته عندها علبتين ذهب مليانة. وما عدتلوش حاجة. يا اغنياء يا اللي معكم فلوس الحقوا نفسكم قبل ما قلوبكم يتختم عليها. بسبب عدم الاعطاء للفقراء. وكنا نخوض مع الخائضين استهترنا. وصلت في النهاية كنا نكذب بيوم الدين - [00:49:18](#)

وصلت في النهاية ان قلوبنا اطعمت حتى عن رؤية وحدانية الملك سبحانه وتعالى. حتى اتانا اليقين. لغاية ما اليقين جه. لغاية ما اليقين الجازم جه جاي جاي الحق نفسك. فما تنفعهم شفاعة الشافعين. ما فيش حاجة هتنفعك. غير طاعة ربنا. فما لهم عن التذكرة معرضين. ما لهم؟ ما لكم؟ ما لكم يا - [00:49:34](#)

ما لكم يا اهل الدين والايامن؟ كانهم حمر. الحمر الحمير ذكرت في الدين ثلاث مرات. مرة مع المرائين لما بيدخلوا النار تتفجر مصارينهم وتطلع برة يدوروا زي الحمار ما بيدور في الراحة في جهنم والعياز بالله. المرائين المنافقين. ومرة مع اليهود اللي هم - [00:49:54](#)

مسلا الحمار يحمل اسفارا اللي هو عارف الدين. اللي يقول لك الكلام ده انا عارفه. عارف وما بينفزش. ومرة هنا هو مع اللي مش راضي يسمع عن ربنا انهم حمر مستنفرة حمر وحشية بتجري. فرط من كسورة بتهرب من اسد. تروح تدعو الشاب بيهرب منك. بيفر خايف. خايف على دنيته. انت جاي تدمر لي - [00:50:14](#)

دنيته. انت جاي عايزني اروح لربنا؟ عايزني اتخانق في حياتي؟ عايز اسيب المتعة والمباهج؟ لأ. لأ انا هافر منك فراري من الاسد. فراري من الكسورة. ما لكش بي ما تقربش مني. انا عايز الدنيا. انا عايز استمتع بالدنيا. فرط من قسورة. بل يريد كل امرئ منهم ان يؤتى صحفا منشرة. طب نزل لي كتاب من ربنا باسمي انا - [00:50:34](#)

مخصوص. يا سلام يا حبيب قلبي. يعني انت عايز تيجي في الدين بس بوضعك ومركزك. عايز دين بس على مزاجك. عايز دين موديل متفصل عليك انت. كلا بل لا يخافون - [00:50:54](#)

الاخرة. دي المشكلة كلها ما بنخافش ايه المشكلة كلها يا جماعة؟ ان كلمة سرطان بتوقف قلبنا. انما كلمة موت رغم ان المة اشد من السرطان ما بتخوفناش. ان كلمة سجن بترعبنا. رغم - [00:51:04](#)

كلمة قبر اشد ضيق من الف سجن وما تخوفناش. ان كلمة ظلام بتقلقنا رغم ان ظلام القبر اشد من اي ظلام. ان احنا بنخاف من مشاكل الدنيا مشاكل الاخرة. ان احنا بنخاف من الاسلحة النووية وما بنخافش من زقوم ومن سقر ومن لظى. كلا بل لا يخافون الاخرة. اه لو نخاف - [00:51:17](#)

اه لو نخاف من ربنا سبحانه وتعالى. كلا انه تذكرة فمن شاء ذكر. الفرصة لسة موجودة. الباب لسة مفتوح. الحق نفسك نفسك كل اية في سورة المدثر بتقول لنا كلنا الحقوا نفسكم. الحقوا نفسكم بسرعة. كلا انه تذكرة فمن شاء ذكر وما - [00:51:36](#)

يذكرون الا ان يشاء الله يا رب. يا رب شأن نذكرك يا رب يا رب ربنا سبحانه وتعالى ربنا بيقول لك استعين بي مش هتقدر من غيري مش هتقدر تسبب من غيري. مش هتقدر تيجي لي غير لو انا اللي وصلتك. هو اهل التقوى واهل المغفرة. اهل الا يعصى لعظمته - [00:51:56](#)

واهل ان عصي وتاب العبد ان يغفر لرحمته. سبحانه وتعالى. وربنا قال اهل المغفرة بعد اهل التقوى. اللي هيتقيني اغفر له. انما اللي ويعصي ويعرض يا ويله من ربنا سبحانه وتعالى - [00:52:15](#)

سورة المدثر يا جماعة كنا في رحلة معها. صورة المدثر بتقول لكل واحد ملتزم. الحق نفسك. انت اتسبقت. قم يلا بقى واشتغل. قم والحق يلا انت اتسبقت. سورة بتقول لكل عاصي يلا قم. يلا الحق نفسك يلا تعال. المدرس بعد المزمّل. المزمّل كان الزاد بتاعنا. كان الشحن. اتشحت يلا قم اشتغل بقى - [00:52:32](#)

مش هنقعد بقى نسمع كتير بقى. قم اشتغل. انزلي بكرة اشتغلي في الدعوة بكرة اشتغل في الدعوة. عندنا امتحانات اشتغلوا على قدكم. انما ما ينفعش نسيب الدعوة يا جماعة. ما ينفعش. احد الاخوة ركب تاكسي بيدي له شريط ديني. الراحل قال له انا من سنة كنت ما بطرش - [00:52:52](#)

الدينية. لغاية ما واحدة مسدلة ركبت معي ادتني شريط. سمعته اسر في جدا. سمعته لمراتي حياتها اتقلبت. ما عادتش بتسمع اغاني. ما عادتش بتسمع غير شريط دينية. بقت ملتزمة اكثر مني. انا جبت المصحف المرتل وبدأت اسمع فيه. انا حياتي اتغيرت بعد الشريط ده. سبحان الله! بسبب اخت. ممكن ما هيش عارفة اصلا ان الخير ده كله من وراها. عايزينك - [00:53:06](#)

يا جماعة عايزين نفوق. احد الناس قال لواحد من الدعاة قال له بص انا بفلوسي وانت بدعوتك. عيالك عيالي وانت مسئوليتي. انا هصرف عليك وروح القرية الفلانية من قرى روسيا ادعوهم الى الله وانا اللي هاصرف عليك. الداعية العالم راح اسلم على ايده عشر تلاف واحد في شهر. اللي مش هيقدر يخدم الدين بالدعوة يخدم الدين بفلوسه - [00:53:26](#)

يخدم الدين بمركزه. تخدم الدين بصحباتها اللي بتحبهم. يخدم الدين بشرائط يديها له وسائل المواصلات. يخدم الدين بالسيدات يطبعها ويديها للشباب اللي في العرييات الدين بمطويات يوزعها. يخدم الدين باي يخدم الدين ويطلب علم. يخدم الدين ان هو يتكلم ويدعو ويستغل حب اصحابه له. تخدم الدين انها تاخذ صاحباتها معها تحفيظ القرآن - [00:53:46](#)

او او الدعوة الى الله نخدم الدين باي وسيلة يا جماعة. نخدم الدين باي طريقة. نخدم الدين ما نبقاش بكم. ما نبقاش ما بنتكلمش عن ربنا سبحانه وتعالى. ده ربنا - [00:54:06](#)

بيقول للنبي فانك باعيننا. انت باعيننا ليه يا رب الرعاية دي كلها؟ عشان الدعوة. ده الدعوة دي العبادة اللي تدخلك من ابواب الجنة الثمانية. لانيك بتتكلم عن الدين كله حتى لو ما طبقتش كل حاجة. الناس هتاخذ وتطبق كل اللي انت قلتها. ولو حتى كل واحد طبق حاجة تيجي يوم القيامة تلاقي اللي طبق بر الوالدين بسببك دخلت جنة - [00:54:16](#)

الوالدين معه. بسبب ان هو طبق وانت اللي دعيته. وجنة الجهاد كل حاجة يا اخواننا الدعوة هتجيب لك كل حاجة. الدعوة هتوصلنا لكل حاجة. عايزين ندعو الى الله عايزين نبقي بتوع ربنا. من لحزة ما التزمت ولحزة ما التزمت انتم بقيتم دعاة غصب عنكم - [00:54:36](#)

بقيت صورة الدين مرتبطة بكم. بقت الناس بتستشف سورة الالتزام منكم اوعوا اوعوا يا جماعة تشوهوا صورة الدين. اوعوا اوعوا يا اخوانا معزم الناس اللي واخدة صورة وحشة عن الملتزمين بسبب الملتزمين الجدد المقفولين اللي ما بيشتغلوش في الدعوة - [00:54:52](#)

ومش فاهمين فن الدعوة. لازم نشغل في الدعوة الى الله الوقت قرب انه يخلص يعني والمفروض الوقتي ان الحلقة تنتهي يا جماعة ولكن انا قبل ما اسيبكم نفسي ان انا اوصيكم. نفسي ان انا اوصيكم بالجهد في الدعوة الى الله. نفسي ان انا اوصيكم ان احنا ما نسيبش ديننا. ان احنا ما نتنازلش عن ديننا - [00:55:07](#)

احنا ما نتخلص عن ديننا. ان احنا يا اخوانا الحريقة المولعة في ديننا داهي ما نسيبهاش. تخيل لو انت في معسكر فيه عدد رهيب للمسلمين. صحيت بالليل لقيت نار مولعة داير ما يدور حوالين المعسكر. وما فيش غير مجموعة قليلة اللي صاحية تعمل ايه؟ تهرب هتبقى جبان. امال تعمل ايه؟ تطفي النار مع اللي واقفين عددهم قليل والنار كبيرة - [00:55:28](#)

امال تعمل ايه تصحي النايمين نصحي النايمين مع بعض عشان كلنا نطفي النار مع بعض. عشان كلنا نلحق مع بعض. عيب. اما يبقى جهد اهل الباطل لحرب دينك اشد من جهدك لنصرة دينك. عيب. النبي لما ربنا قال له قم ثلاثة وعشرين سنة ما نمش. والصحابة قاموا طول عمرهم ما ناموش لغاية ما كلهم ماتوا شهداء في سبيل الله - [00:55:48](#)

عايزين نقوم عايزين ننصر دين ربنا. عايزين نبقي بتوع ربنا يا جماعة. مستعدين يا جماعة؟ مستعدين ندعو الى الله؟ مستعدين نبقي جنود؟ دخلنا في جيش الدين وجيش الالتزام وهنبقى جنود من جنود ربنا. مستعدين نعيش عشان ربنا. اللهم تب علينا. اللهم تب علينا لتتوب. اللهم انقذنا. اللهم اغثنا. اللهم انت - [00:56:08](#)

هدايتك على شباب المسلمين ونساء المسلمين وفتيات المسلمين ورجال المسلمين واطفال المسلمين. اللهم اخرج منا دعاة وعلماء وعالمات وعباد وعابدات. اللهم استعملنا ولا تستبدلنا. اللهم فهمنا ديننا. اللهم اقمنا على مرادك منا. اللهم - [00:56:28](#)

اللهم لا تحرمنا من قيام الليل. ودعوة النهار اليك يا رب العالمين. برحمتك يا ارحم الراحمين. اقول قولي هذا واستغفر الله لي ولكم.

سبحان اللهم وبحمدك اشهد ان لا اله الا انت استغفرک واتوب اليك - 00:56:48

وليلة سعيدة مع كتاب ربنا ومع سورة المدثر. في قيام الليل باذن الله. حتى نلتقي المرة القادمة باذن الله سبحانه وتعالى. جزاكم الله

خير - 00:57:05